

Ko Te Paunui o Aotearoa. Mo Te Kooti Whakawa Whenua Maori. He Mea ta i Runga i Te Mana o Te Kiingitanga Motuhake o Aotearoa. No. 1. Maungakawa, Kemureti Waikato, N.Z. Nowema 20. 1894. P. 1.

Te Kii Runanga i whakapumautia i te 27 o nga ra o Akuhata, 1893. A, i Panuitia i te 25 o Mei, 1894. Kia tu he Kooti Whakawa Whenua Maori Motuhake i raro i te Mana o te Kiingitanga me te Rangatiratanga o Aotearoa me te Waipounamu.

A, ko te Mana o nga whakahaerenga katoatanga o taua Kooti, me haere i raro i nga Ture kei raro i te Minita Tumuaki o nga Kaiwhakawa Whenua Maori, me te Minita o nga whenua o te Karauna me nga whenua hoki o te Iwi.

W. T. TAINGAKAWA TE WAHAROA.

Tumuaki o te Kiingitanga.

Tari o te Kiingitanga, Te Kauhanganui,

Maungakawa, Kemureti Waikato, Nowema 15, 1994,

Panuitanga. "Ture Whakaaetanga Kooti Whakawa Whenua Maori o te Tau 1894."

He Panuitanga tenei kia mohiotia ai ka tu te Kooti Whakawa Whenua Maori ki Ohinemuri a te 20 o nga ra o Tihema, 1894; ki te whakawa,— Ara, ki te Ui-ui i te tikanga mo runga i te Tono a nga tangata e mau nei o ratou ingoa i te rarangi tuarua, ki te whenua e mau nei te ingoa i te rarangi tuatoru; ko nga rohe kei te rarangi tuawha.

Ko nga tangata katoa e whai take ana ki taua whenua, me haere ki Ohinemuri a te ra e mau iho i runga ake nei. Ki te oti te whakawa ka puta te Kupu Whakatau a te Tiati ki te hunga i kitea te tika e te Kooti ki taua whenua. A, ko to ratou tika ka tiakina tonutia; a, ka whakaputaina atu ano hoki te Karauna karaati o te kiingitanga o Aotearoa me te Waipounamu ki a ratou. Heoi, hei whakapumautanga [*unclear*: tena,] e kore e tika tetahi Iwi Hapu Tangata ranei ki te haere mai a muri atu ki te whakararuraru.

I tuhia mai tenei Tono i te 25 o nga ra o Akuhata, 1894.

T. K. Maungapohatu Harawira.

Rehita Whakawa Whenua.

Tari o te Kooti Whakawa Whenua Maori;

Maungakawa Cambridge, Nowema 15, 1894.

Kupu ApitiTono Wwhakawa mo nga Take paanga ki te whenua.

Panuitanga. "Tono Whakawa Tuarua mo Waitakaruru."

HE Pautanga tenei kia mohitia ai, ka tu te Kooti Whakawa tuarua mo Waitakaruru Poraka ki te Hoeotainui a te 26 o Pepuere 1895, ki te whakawa;— Ara, ki te ata Ui-ui i nga tikanga o te Tono tuarua a nga tangata no ratou nga ingoa e mau i te rarangi tuarua, ki te piihi whenua e mau nei i te rarangi tuawha.

Ko nga tangata katoa e whai take ana ki taua whenua, me haere ki te Hoeotainui a te ra e mau iho i runga ake nei. Ki te oti te Whakawa, ka puta te Kupu Whakatau a te Tiati ki te hunga i kitea e te Kooti te tika ki taua whenua. A, ko to ratou tika ka tiakina tonutia; a, ka whaputaina ano hoki te Karauna karaati o te Kiingitanga o Aotearoa me te Waipounamu kia ratou. Heoi, hei whakapumautanga tena; e kore e tika tetahi Iwi Hapu Tangata ranei ki te haere mai a muri ki te whakararuraru.

I tuhia mai tenei Tono i te 20 o nga ra o Oketopa, 1894.

T. K. Maungapohatu Harawira,

Rehita Whakawa Whenua.
Tari o te Kooti Whakawa Whenua Maori,
Maungakawa Cambridge, Nowema 15, 1894.

Kupu Apiti. "Tono Whakawa mo nga take paanga ki te whenua."

Te Rohe o Tauhei. Ture Whakaaetanga Whakawa Whenua Maori o te Tau 1894.

HE Panuitanga tenei kia mohiotia ai, ka noho tetehi Ro-puu Kaiwhakawa ki te Ho eatainui, a te 26 o Pepuere, 1895, ki te whakarongo ki te Ui-ui hoki i nga tikanga mo runga i te Tono a Ngatitehiko me Ngatiwaikai, mo te Rohe wahanga o to ratou whenua ko Tauhei te ingoa; kei waenganui i enei Hapu e rua i nga ingoa e mau iho i runga ake nei, me Ngatitahuna te Hapu o tetehi taha.

Ko nga tangata katoa e whai tikanga ana mo taua Rohe me taua whenua hoki me haere ki reira. Ki te Oti te Ui-ui ka puta te Kupu Whakataua a taua Ro-puu Kaiwhakawa; heoi, hei tino Whakatuturutanga tena mo taua rohe. A, ko ta na Whakataunga ka tiakina tonutia, e kore e tika enei Hapu e mau iho i runga ake nei, etehi tangata ranei o roto i au a Hapu o tetehi taha o tetehi taha ki te haere mai ki te whakararuraru a muri ake nei.

I tu hia mai Tono tenei i te 24 o nga ra o Oketopa, 1894.

T. K. Maungapohatu Harawira,
Rehita Whakawa Whenua.
TARI O TE KOOTI WHAKAWA WHENUA MAORI,
Maungakawa Cambridge, Nowema 15, 1894.

Panuitanga. Ture Whakaaetanga Whakawa Whenua Maori o te Tau 1894.

HE Panuitanga tenei kia mohiotia ai,— "Ko te ra hei Whakawakanga mo Whakamarama i panuitia i roto i Te Paki o Matariki, kia tu te Whakawa mo taua Poraka i te 6 o nga ra o Hepetema, a, nukuhia ana taua whakawa mo te 6 o nga ra o Oketopa. Heoi i te nui o nga raruraru o te Kawanatanga i te matenga o Kiingi Tawhiao, ki hai i whai ruma te Minita mo nga Kai-whakawa Whenua me te Tumuaki hoki o te Kawanatanga ki te tuku i tetehi o nga Tiati o taua Kooti, koia i kore ai e tu taua whakawa i te ra e mau i runga ake nei." I tae mai te reta a te Wehou ma o te 8 o nga ra o Oketopa 1894, ki te Tumuaki o te Kiingitanga he whakaatu i to ratou kore i pai i te taenga atu o te pukapuka hiki a te Hon. A. P. Rongowhitiao, Te Minita o nga whenua o te Iwi, me nga whenua o te Karauna; mo te 6 o nga ra o Pepuere 1895 ka tu ai taua whakawa. Ko taua hiki, he mea whakahau e te Minita o nga Kaiwhakawa Whenua, e te Hon. M. H. Te Pokaitara, i runga i nga raruraru mo te matenga o Tawhiao e mau i runga ake nei,—A, e whakaatu mai ana a te Wehou ma kanui to ratou pouri mo te hikitanga ki te 6 o Pepuere, 95. Ko ta ratou ra i tono mai ai i roto i ta ratou pukapuka ki te Tumuaki ko te 25 o Oketopa hei tuunga mo te Whakawa o Whakamarama me etehi kupu ano a ratou, a, kua tukua mai taua reta e te Tumuaki ki ahau. "Heoi i te mea kua tukua mai he Mana ki ahau mo taua mahi, koia ka panuitia atu ki raro iho nei.

Panuitanga. Ture Whakaaetanga Kooti Whakawa Whenua Maori o te Tau 1894.

HE Panuitanga tenei kia mohiotia ai ka tu te Kooti Whakawa Whenua Maori ki Parawera i te takiwa o Kihikihi a te 20 o nga ra o Tihema 1894, ki te Whakawa.—Ara, ki te Ui-ui i nga tikanga o te Tono a nga tangata e mau nei o ratou ingoa i te rarangi tuarua, ki te piihi whenua e mau nei te ingoa i te rarangi tuatoru, ko

nga Rohe kei te rarangi tuawha.

Ko nga tangata katoa e whai take ana ki taua whenua me haere ki Parawera a te ra e mau iho i runga ake nei. Ki te Oti te whakawa ka puta te Kupu Whakatau a te Tiati ki te hunga i kitea te tika ki taua whenua. A, ko to ratou tika ka tiakina tonutia; a, ka whakaputaina atu ano hoki te Karauna karaati o te Kiingitanga o Aotearoa me te Waipounamu ki a ratou. Heoi, hei whakapumautanga tena, e kore e tika tetahi Iwi Hapu Tangata ranei ki te haere mai a muri ake nei ki te whakararuraru.

I tuhia mai tenei Tono i te 8 o nga ra o Oketopa, 1894.

T. K. Maungapohatu Harawira,

Rehita Whakawa Whenua.

TARI O TE KOOTI WHAKAWA WHENUA MAORI,

Maungakawa Cambridge, Nowema 15, 1894.

Kupu Apiti."Tono Whakawa take paanga ki te whenua."

He Panuitanga.

Te Kauhanganui Maungakawa, Oketopa 21, 1894.

HE KUPU atu ki nga Iwi ki nga Hapu me nga Tangata katoa o nga Motu e rua nei; Aotearoa me te Waipounamu. Ki te tukua mai a koutou pukapuka Tono Whakawa mo o koutou whenua ki tenei Tari, kia marama te tuhituhi mai. Tuhia ano nga ingoa o nga Rohe o te whenua. Mehemea he whenua no te Tangata-mate, kia marama ano te tuhi i te ingoa o taua tangata i mate me nga ingoa o ana whenua; mehemea ranei he taonga o taua Tangata i mate-ra, kia marama ano te tuhi. Kia marama hoki te tuhi mai i te ingoa i nga ingoa ranei o nga tangata e Tono ana i aua whenua kia whakawakia, me o te tangata mate hoki me ona whenua me ona taonga hoki e Tono ana kia whakawakia. Kia marama ta koutou tuhituhi, kia marama ai hoki ana panuitia atu ki te "P. W. W. MAORI O AOTEAROA."

M. H. T. Pokaitara

Minita Tumuaki Whakwaa Whenua.

Tari o te Kiingitanga, Te Kauhanganui Maungakawa,

Kemureti i takiwa o Waikato, Nowema 15, 1894.

Tari o te Kiingitanga.

Maungakawa Kemureti, Nowema 15, 1894.

He whakaatu tena kia koutou katoa e nga Iwi. Ko nga Whenua katoa e hiahiatia ana kia Riihitia i raro i nga tikanga o te Ture o te Kiingitanga o te Iwi Maori o Aotearoa me te Waipounamu, me tuku atu nga pukapuka whakaatu i to koutou whenua me to koutou hiahia kia Riihitia me nga pukapuka patai mo nga tikanga katoa atu o taua mahi ki a te Hon. A. P. Rongowhitiao. Ko Ia te Minita o roto i te Kawanatanga mo taua mahi. Ko Ia hoki te Minita o nga whenua o te Karauna me nga whenua o te Iwi; maana hoki e haina tona ingoa, kia mau rawa ki raro i nga pukapuka mo nga mahi pera ka mana ai aua riihi i raro i nga tikanga o te Ture.

W. T. TANA TAINGAKAWA TE WAHAROA.

Tumuaki o te Kiingitanga.

No. 10.

He Panuitanga ki Nga iwi o Aotearoa me te Waipounamu.

Kia Rongo Nga Iwi katoa e noho i nga Motu e rua nei. Ara, i Aotearoa me te Waipounamu. Notemea,— I Whakahaua e Kiingi Tawhiao Te Aahaoterangi Potatau Te Wherowhero i roto i tona Kaunihera, i te Kauhanganui o Aotearoa me te Waipounamu "Kia Whakawakia nga whenua o nga Iwi Maori e nga Kaiwhakawa e Whakaturia ana e te Kawanatanga o te Kiingitanga Motuhake o te Iwi Maori.

NA, i te mea e whai Honore ana ahau i roto i te Kaunihera o te Kiingi. Koia ahau ka panui atu nei ki a koutou e nga Iwi. "Kua Whakamana a TE UA KARANAMA MAUNGAPOHATU HARAWIRA" kia Tu ia hei "Rehita" mo taua Kooti Whakawa whenua Maori, i raro i te Mana o Kiingi Tawhiao. Na he whakaatu tena kia koutou, ko nga Pukapuka Tono Whakawa Whenua Maori katoa, me tuku atu ki a ia ki Maungakwa.

W. T. Tana Taingakawa Te Waharoa.
Tumuaki o te Kiingitanga.
No. 11.